



GODIŠNJI IZVJEŠTAJ

2021



2021

O radu udruženja žena Romkinja "Bolja budućnost" grada Tuzla

Hadži Hasan age Pašića bb, 75000 Tuzla, BiH

Telefon/fax: +387 35 298 001

E-mail: info@bolja-buducnost.org

Facebook: [boljabuducnost.1](#)

Instagram: [bolja_buducnost](#)




Twitter: [Boljabuducnost1](#)

Web: www.bolja-buducnost.org

SADRŽAJ

1. 2021 u brojevima.....	2
2. Poruka direktorice i upravnog odbora.....	3
3. Projekti.....	4
3.1. Podrška radu ženskoj romskoj mreži „Uspjeh“ u BiH	4
3.2. Mjesec dana ženskog romskog aktivizma.....	5
3.3. FAIR III: Za aktivnu inkluziju i prava Romkinja na zapadnom Balkanu	6
3.4. Promovisanje i ostvarivanje prava za socijalno ugrožene kategorije	8
3.5. Koristimo dostupne mehanizme kako bismo se zaštitili od nasilja i diskriminacije.....	9
3.6. Napredak ka integraciji Roma/Romkinja kao napredak BiH na putu ka EU.....	10
3.7. Institucionalna podrška udruženju žena Romkinja „Bolja budućnost“ grada Tuzla	10
3.8. Prevencija nasilja u romskim zajednicama.....	11
3.9. Poboljšanje saradnje i razmjena informacija sa lokalnim medijima u Gradu Tuzla.....	12
3.10. Projekt uključivanja Roma i Romkinja: Registracija imovine i pristup mehanizmu za rješavanje žalbi.....	12
3.11. Psiho-socijalna i ekonomska podrška Romkinjama za vrijeme pandemije COVID- 19.....	13
4. Ostale aktivnosti	15
5. 20 godina rada i postojanja udruženja „Bolja budućnost“ grada Tuzla.....	19
6. Medijska vidljivost.....	20

1. 2021 U BROJEVIMA



6.212 korisnika/ca



3.951 žena



2.261 muškaraca

2. PORUKA DIREKTORICE I UPRAVNOG ODBORA

Dragi prijatelji, dragi donatori i partneri, drage građanke i dragi građani,

Udruženje žena Romkinja „Bolja budućnost“ grada Tuzla donosi Vam još jedan godišnji izvještaj o radu i ovaj put za jednu od najizazovnijih godina, 2021. Mnogi od nas će godinu iza nas pamtit i po osjećaju bespomoćnosti, tuge i žaljenja za onima koji su izgubili živote zbog virusa COVID-19. Od početka pandemije kako kroz 2020 tako i 2021 godinu smo nastojali brzo i adekvatno odgovoriti na potrebe romske zajednice. Pored toga nastojali smo redovno i adekvatno realizovati sve svoje redovne projekte i aktivnosti prilagođavajući ih trenutnim okolnostima pandemije.

Višestruka diskriminacija je najčešća činjenica koja se vezuje za Romkinje. Pored toga, niska razina obrazovanja i socijalna isključenost, Romkinje čini najugroženijom skupinom unutar romske zajednice. Ove žene su slabo informisane o vlastitim pravima, a dodatno treba naglasiti prisutnost problema u ruralnim područjima. Zbog toga je nužno poticati umrežavanje Romkinja, s ciljem osnaživanja njihovog djelovanja i veće vidljivosti u lokalnoj zajednici i općenito u bh.društvu. Na svemu ovom kako proteklih godina tako i tokom 2021 godine smo radili te Vam sve te projekte i informacije donosimo u ovom izvještaju.

Želimo odati priznanje i zahvaljiti se našim uposlenicima, volonterima i aktivistima, kao i predstavnicima/cama institucija što su bili spremni da se prilagode svim promjenjenim uslovima rada te da uprkos svim tim izazovima zajedno realizujemo i više od onoga što smo planirali za 2021.

Ovom prilikom zahvaljujemo se našim donatorima koji su izdvojili sredstva ili uložili svoje vrijeme i znanje kako bi pridonijeli stvaranju boljeg i jednakog društva u BiH. Vaše resurse oprezno koristimo za osiguravanje primjerene pomoći i podrške Romkinjama, romskoj djeci, cijeloj romskoj zajednici u BiH. Vi predstavljate vrlo važan dio u postizanju naše misije i bez Vaše karike u lancu naša misija ne bi bila ostvariva; Bosna i Hercegovina kao zemlja ravnopravnih građana i građanki u kojoj Romkinje u potpunosti ostvaruju sva prava i aktivno i ravnopravno učestvuju u svim sferama bosansko-hercegovačkog društva.

Menadžment Udruženja žena Romkinja „Bolja budućnost“ grada Tuzla

POSVEĆENOST, ISTRAJNOST, UPORNOST BOLJA BUDUĆNOST ZA BOLJI ŽIVOT



3. PROJEKTI

Udruženje žena Romkinja „Bolja budućnost“ grada Tuzla kao dio nevladinog sektora ima bitnu ulogu u razvoju demokratskog društva. Konsultacije sa nevladnim sektorom proizvode korisne informacije i ideje, kroz zagovaranje pozitivnih promjena. Kao ženska romska nevladina organizacija obezbjeđujemo važan glas civilnog sektora sa posebnim akcentom na romsku zajednicu u BiH, što ima za rezultat donošenje boljih i legitimnijih odluka kada je u pitanju poboljšanje položaja Roma i Romkinja u BiH ali i generalno razvoja društva zasnovanog na poštivanju ljudskih prava. Sa druge strane služimo kao servis koji pomaže Romima i Romkinjama u ostvarivanju prava i rješavanju statusnih pitanja kako bi u potpunosti mogli uživati sva prava koja su im zagarantovana domaćim i međunarodnim zakonodavnim okvirima. Projekti i aktivnosti koje naše udruženje provodi kako na lokalnom tako i na nacionalnom i regionalnom nivou spadaju u programe koji su podjeljeni na programe ljudskih prava, socio-ekonomiske programe i programe zagovaranja.

U toku 2021 godine implementirali smo 11 projekata koji su predstavljeni u nastavku ovog izvještaja.

3.1. PODRŠKA RADU ŽENSKE ROMSKE MREŽE „USPJEH“ U BIH

U toku 2021 godine naš rad se fokusirao između ostalog i na povezivanje ženskih romskih aktivistica u Federaciji BiH i Republici Srpskoj, s ciljem da ojačamo ženski romski sektor u BiH. S tim u vezi pružili smo podršku radu prve ženske romske mreže u BiH kroz iznalaženje sredstava za provođenja aktivnosti lobiranja i zagovaranja te pokretanja inicijativa sa ciljem povećanja učešća Romkinja u javnom i političkom životu. U 2019 godini, Mreža je dobila odvojenu podršku za zajedničke aktivnosti od strane OAK fondacije koja je nastavljena i u 2021 godini. Mreža zadržava svoj trenutni položaj, postajući primjer uspješne i učinkovite Mreže sa jakim romskim ženskim organizacijama.



Naš cilj je poboljšanje kvaliteta rada ženskih romskih organizacija, kako u radu sa romskom korisničkom populacijom, tako i u odnosima sa vlastima, kroz međusobno učenje i podršku, razmjenu znanja i ideja, implementaciju zajedničkih aktivnosti na različitim projektima. Koristeći znanje, iskustvo i kapacitete u mreži uradili smo niz analiza, istraživanja i drugih dokumenata te zajedno proveli kampanje zagovaranja kako bi skrenuli pažnju i više govorili o položaju i statusu Romkinja u BiH.

3.2. MJESEC DANA ŽENSKOG ROMSKOG AKTIVIZMA

U periodu od 08. Marta do 08. Aprila 2021 godine u saradnji sa ženskom romskom mrežom „Uspjeh“ smo proveli tradicionalnu kampanju mjesec dana ženskog romskog aktivizma „Moje je pravo, a ne privilegija“. Cilj kampanje je bio ukazati na položaj žena sa posebnim akcentom na Romkinje u BiH i važnost njihovog uključivanja u javni i politički život naše zemlje te omogućavanje ostvarivanja ženskih prava i prava na dostojanstven život. Provođenjem kampanje postigli smo sljedeće rezultate:

- a) Upoznali širu društvenu zajednicu o položaju Romkinja, djevojaka i djevojčica kroz gostovanja u medijima, ulične akcije, aktivnosti u zajednici i distribuisane promotivne materijale
- b) Promovisali mјere za unaprjeđenje položaja Romkinja kreiranih u Platformi za unaprjeđenje prava i položaja Romkinja u BiH i zagovaranje za njihovu primjenu kroz sastanke sa relevantnim institucijama.




UŽB „Bolja budućnost“ grada Tuzla

Kampanja se implementirala u 6 gradova/općina (Tuzla, Bijeljina, Kakanj, Visoko, Prnjavor i Modriča). U vremenu trajanja kampanje bilo je angažirano 31 osoba, održali smo 12 uličnih akcija, 5 sastanaka na lokalnom nivou, 3 sastanka na nacionalnom nivou, 1 konferenciju, proizveli 1000 komada informativnih letaka sa porukama kampanje na lokalnom, engleskom i romskom jeziku i podjelili 300 karanfila. Poruke kampanje su bile:

„RAVNOPRAVNOST je moje pravo, a ne privilegija“
 „SIGURNOST je moje pravo, a ne privilegija“
 „VIDLJIVOST je moje pravo, a ne privilegija“
 „UKLJUČENOST je moje pravo, a ne privilegija“
 „DOSTOJANSTVO je moje pravo, a ne privilegija“

Za provođenje kampanje pored CARE International Balkans i OAK fondacije imali smo podršku i od OSCE misije u BiH i to za angažovanje osobe koja se bavi istraživačkim novinarstvom da uradi reportažu vezano za 50 godišnjicu od obilježavanja prvog Svjetskog kongresa Roma/kinja, o tome u kolikoj mjeri i kako se promjenio položaj Roma/kinja. Reportaža je predstavljena 08.04.2021. godine u Sarajevu putem hibridnog zoom događaja, a povodom Svjetskog dana Roma i Romkinja. Sam događaj obilježavanja Svjetskog dana Roma i Romkinja koji je ujedno i završna aktivnost kampanje mjesec dana ženskog romskog aktivizma podržan je od strane UN Women u BiH.



3.3. FAIR III: ZA AKTIVNU INKLUIZIJU I PRAVA ROMKINJA NA ZAPADNOM BALKANU

U sklopu regionalnog projekta „Za aktivnu inkluziju i prava Romkinja na zapadnom Balkanu“ (FAIR III) koji je podržala Austrijska razvojna saradnja i Razvojna saradnja Češke Republike kroz CARE INTERNATIONAL, Balkans u 2021 godini završili smo sa trogodišnjom implementacijom dva granta i to:

1. Grant u zajednici: Ja znam!Ja djelujem! koji je postigao sljedeći cilj: Romkinje (žene i djevojke) bolje informirane i imaju bolji pristup javnim uslugama i mehanizmima zaštite u oblasti zdravstva, obrazovanja, socijalne zaštite, prevencije rodno uvjetovanog nasilja u Tuzli, Lukavcu, Prnjavoru i Vukosavlju. Implementacijom aktivnosti unutar ovog granta kao što su provođenje sastanaka sa zajednicom i institucijama koristeći metodu rangiranja potreba zajednica, pružanje asistencija u samim zajednicama kroz angažovanje medijatora, radionice u zajednicama postigli smo sljedeće rezultate:

- 1) Romkinje osnažene da ostvare svoja prava na obrazovanje, zdravlje, socijalni zaštitu i život bez nasilja na ciljanim lokalitetima i zadovoljni/e su korištenjem usluga u ovim oblastima.
- 2) Ojačani lokalni međusektoralni koordinacioni mehanizmi i pružaju podršku socijalnoj inkluziji romskih zajednica iz ciljanih lokaliteta.



U sklopu ovog granta koristili smo metodologije rangiranja potreba zajednice (Community score card). Proces Community Score Card (CSC) je moćan alat za praćenje usluga, osnaživanje građana/ki i poboljšanje odgovornosti davalaca usluga. Vježbe bodovanja građanima/kama pružaju mogućnost analize usluga poput zdravstvenih usluga ili obrazovanja na temelju njihove osobne percepcije.



2. Podrška ženskoj romskoj mreži "Uspjeh" BiH je projekat koji je omogućio bolju održivost neformalne ženske romske mreže "Uspjeh" Bosne i Hercegovine kroz upošljavanje nacionalne koordinatorice koja je kroz svoj angažman doprinjela radu regionalne ženske romske mreže i njenog pojačanog djelovanja u pravcu Post 2020 EU Agende za integraciju Roma/kinja.

U sklopu granta u zajednici "Ja znam! Ja djelujem! " i 2021 godine je za određeni broj Romkinja u Tuzli i Prnjavoru obezbjeđeni ginekološki pregledi i pregledi dojki. Ovi specijalistički pregledi su organizovani za Romkinje određene starosne skupine bez zdravstvenog osiguranja i u skladu sa potrebama zajednice u sklopu kojeg je urađen proces ragniranja potreba zajednice (Community score card). Jedna od žena koja je obavila ovaj pregled je pozvala sve žene da redovno posjećuju ljekare i posebno da brinu o svom reproduktivnom zdravlju, ona kaže: " Mnogo žena pati u tišini jer se srame simptoma koji ukazuju na probleme u intimnom području. Najčešće se sve riješi vrlo jednostavno i brzo, zato je jako važno otići ljekaru koji će dijagnosticirati tvoj problem i pronaći najbolje rješenje. Ako ne reagiraš na vrijeme jer previše brineš o tome što će drugi ljudi misliti i reći, tvoja patnja se može produžiti i utjecati na tvoje zdravlje".

3.4. PROMOVISANJE I OSTVARIVANJE PRAVA ZA SOCIJALNO UGROŽENE KATEGORIJE

U toku 2021 godine uz podršku Služba za kulturu, sport, mlade i socijalnu zaštitu grada Tuzla realizovali smo projekat koji je imao za cilj izraditi bazu i pronaći model za ostvarivanje prava Romkinja i Roma, djece i odraslih kako bi ostvarili svoja zagarantovana prava iz oblasti socijalne i zdravstvene zaštite.

Kroz ovaj projekat smo postigli sljedeće rezultate:

1. Putem održavanja zajedničkog sastanka sa predstavnicima Grada Tuzla Službe za kulturu, sport, mlade i socijalnu zaštitu, predstavnicima Centra za socijalni rad u Tuzli, Instituta za medicinsko vještačenje zdravstvenog stanja u Tuzli, Ministarstva zdravstva Tuzlanskog kantona, Zavoda za zdravstvenu zaštitu Tuzlanskog kantona kao i Ministarstva za rad, socijalnu politiku i povratak Tuzlanskog kantona uspostavili smo mehanizme za zajedničko djelovanje u cilju postizanja rezultata projekta.



2. Putem 4 radionice u romskim zajednicama na kojima smo prezentovali učesnicima/cama na koji način mogu ostvariti prava uz pružanje asistencija u postupku ostvarivanja pojedinog prava te plaćanja troškova postupka kao i popratnih troškova kada je u pitanju socijalna zaštita.
3. Za 31 Roma/kinja sa područja Grada Tuzla pokrenuti je postupak medicinskog vještačenja zdravstvenog stanja, i ostvarivanja prava na tuđu njegu i pomoći putem Centra za socijalni rad Tuzla.
4. Provođenjem kampanje informisanja u romskim zajednicama na području grada Tuzla o mehanizmima za ostvarivanje prava na socijalno i zdravstveno osiguranje i na taj način povećali pristup informacijama i povećali broj onih Roma/kinja koji su korisnici prava (na tuđu njegu i pomoći ili djece koja bi nakon zdravstvenog vještačenja u Institutu dodjeljina pomoći u skladu sa Zakonom).

3.5. KORISTIMO DOSTUPNE MEHANIZME KAKO BISMO SE ZAŠТИTILI OD NASILJA I DISKRIMINACIJE

Udruženje žena Romkinja ‘Bolja budućnost’ grada Tuzla zajedno sa partnerskim udruženjima ‘Romani ćej – Romska djevojka’ iz Prnjavora i udruženjem Romkinja centar za majke „Nada“ Kakanj implementiralo je niz aktivnosti u drugoj fazi projekta u 2021 godini pod nazivom ‘Koristimo dostupne mehanizme kako bismo se zaštitili od nasilja i diskriminacije’. Aktivnosti projekta su imale za cilj izgradnju kapaciteta državnih i ne državnih pružaoca usluga radi adresiranja stigme i predrasuda vezanim za pružanje uslugama ženama koje dolaze iz marginalizovanih zajednica.



Pored izgradnje kapaciteta državnih i ne državnih pružaoca usluga aktivnosti projekta su usmjerenе i na jačanje kapaciteta članica ženske romske mreže u procesima zagovaranja te provođenja zajedničkih aktivnosti u sklopu globalne kampanje 16 dana aktivizma protiv rodno-zasnovanog nasilja.



U toku ovogodišnje kampanje smo pored uličnih akcija koje su održane na značajne datume : Međunarodnog dana borbe protiv nasilja nad ženama, Međunarodnog dana ljudskih prava, Međunarodnog dana braniteljica ljudskih prava, Međunarodnog dana osoba sa invaliditetom i ukidanja ropstva, obilježavanja godišnjice Montrealskog masakra smo snimili i emitovali 3 tematske TV emisije na sljedećim medijskim kućama: K3 Prnjavor, NTVIC Kakanj i RTV Slon Tuzla. Emisije je moguće pogledate na zvaničnom YouTube kanalu našeg udruženja.

3.6. NAPREDAK KA INTEGRACIJI ROMA/ROMKINJA KAO NAPREDAK BIH NA PUTU KA EU

U sklopu regionalnog programa koji koristi zagovaranje kao svoje glavno sredstvo za postizanje aspekta rodne ravnopravnosti u predpristupnom procesu naše zemlje u EU u saradnji sa ženskom romskom mrežom nastojimo poboljšati integraciju Romkinja i pitanja od značaja za Romkinje iz Bosne i Hercegovine u pregovaračkom procesu pridruživanja EU.

Specifični ciljevi projekta su:

- Jačanje kapaciteta ženskih romskih organizacija za bavljenje strategijama na nacionalnoj i europskoj razini i intervencijama vezanim za prava Romkinja kroz stvaranje, usvajanje i provedbu strategije zagovaranja
- Povećati prioritete ženskih ljudskih prava s naglaskom na Romkinje od strane vlasti u procesu pridruživanja EU kroz dokument o rodnoj osjetljivosti i statusu Romkinja u Aktionim planovima za Rome sa jasnim preporukama za donositelje odluka / Vladu BiH o nacionalnoj razini.
- Omogućiti sudjelovanje romskih ženskih organizacija i pojedinaca u procesu pridruživanja EU (širi tematski angažman, širenje saveza i partnerstva, novi pristupi itd.).

3.7. INSTITUCIONALNA PODRŠKA UDRUŽENJU ŽENA ROMKINJA „BOLJA BUDUĆNOST“ GRADA TUZLA

Institucionalnom razvoju udruženja žena Romkinja „Bolja budućnost“ grada Tuzla kako bi postala jako uporište i zagovarala za Romkinje koje imaju poteškoća u ostvarivanju prava i povećanja vidljivosti ženskog romskog aktivističkog pokreta u BiH pomogla je podrška od strane OAK fondacije. Kroz jačanje organizacionih kapaciteta ali i provođenja aktivnosti unutar granta podrške usmjereni smo bili na promjenu da postanemo snažna organizacija i snažan pokret sa ciljem unaprijeđenja ženskih prava i ekonomskog osnaživanja sa posebnim fokusom na prava i osnaživanje Romkinja kao pripadnica najveće nacionalne manjine u Bosni i Hercegovini.

Ovo smo postigli kroz implementaciju sljedećih programa;

1. Program ljudskih prava sa fokusom na prava Romkinja

- 1.1. Upravljačka struktura udruženja i članstvo redovno informisani o aktivnostima i projektima udruženja, izvršena razmjena mišljenja o postojećim programskim ciljevima i njihovo usaglašavanje sa potrebama korisnika/ca.
- 1.2. Veća uključenost članstva u implementaciji aktivnosti udruženja i kreiranju projekata te razmjenu informacija.
- 1.3. Informisana šira društvena zajednica o kulturnom nasljeđu romske populacije na našim prostorima te doprinesemo povećanju tolerancije i smanjenju predrasuda prema Romima/kinjama i poštivanju njihovih ljudskih prava.

2. Socio-ekonomski program

- 2.1. Kroz ciljanu asistenciju na nivou zajednice ali i individualnom nivou Romkinje, žene i djevojke, su osnažene da ostvare svoja prava na obrazovanje, zdravlje i život bez nasilja i rodnu ravnopravnost.
- 2.2. Povećana zapošljivost Roma/kinja kroz zadrugu, plasiranje usluga i roba na tržište te određeni stepen samoodrživosti ženske romske zadruge.

3. Zagovaranje i politička participacija

- 3.1. Povećan nivo umreženost našeg udruženja na nacionalnom i regionalnom nivou sa istim ili srodnim organizacijama, udruženjima, fondacijama, institucijama.
- 3.2. Povećana zastupljenost pitanja Romkinja kroz prisustvo na regionalnim i nacionalnim događajima od značaja za žene i nacionalne manjine.

3.8. PREVENCIJA NASILJA U ROMSKIM ZAJEDNICAMA

Projekat pod nazivom „Prevencija nasilja u romskim zajednicama“ se implementirao na području grada Tuzla i obuhvatio je one mjesne zajednice gdje stanuje veći broj pripadnika/ca romske zajednice i to: Kiseljak, Crvene njive, Kročića, Mosnik, Ljubače, Pasci, Mihatovići, Šićki brod i Bukinje. Kroz provođenje različitog spektra aktivnosti unutar projekta koji su uključivali osnaživanje Romkinja kroz edukativne radionice i edukativni materijal, izgradnju povjerenja između pružaoca usluga i Romkinja, pružanje asistencije Romkinjama kod korištenja mehanizama za ostvarivanje prava kroz rad romskih medijatora doprinjeli smo postizanju generalnog cilja projekta u lokalnoj zajednici a to je „Osiguran jednak pristup i tretman kod korištenja usluga/mehanizama zaštite od nasilja za Romkinje na području grada Tuzla“.



Implementacijom aktivnosti projekta postignuti su sljedeći rezultati:

- a) pružatelji usluga imaju bolje razumijevanje o specifičnosti i potrebama žena koje dolaze iz skupina u nepovoljnem položaju radi rješavanja stigme i predrasuda povezanih sa pružanjem usluga ženama i porodicama iz marginalizovanih zajedница.
- b) Romi i Romkinje informisani i imaju znanje o dostupnim mehanizmima zaštite od nasilja u njihovoј lokalnoj zajednici i kako im moći pristupiti.

3.9 POBOLJŠANJE SARADNJE I RAZMJENA INFORMACIJA SA LOKALNIM MEDIJIMA U GRADU TUZLA

U sklopu projekta „Slobodni mediji za slobodno društvo“ koji je implementiralo Udruženje BH Novinari i Asocijacija elektronskih medija u BiH uz podršku EU naše udruženje je na području grada Tuzla provelo aktivnosti sa predstvincima/cama lokalnih medija koji su rezultirali poboljšanju saradnje i razmjene informacije.

Rezultati koje smo postigli implementacijom ovog projekta su:

- Poboljšana saradnja i razmjena informacija sa lokalnim medijima u Gradu Tuzla

Putem održavanja 4 radionice 10 predstavnika lokalnih medija je dobilo informacije i steklo znanja o aktivnostima udruženja i dostavom prave informacije u medijima uticali smo na smanjenje diskriminacija i govora mržnje prema Romima/kinjama.



- Unaprijeđen kvalitet, objektivnost i učestalost izvještavanja lokalnih medija o potrebama, interesima i aktivnostima romske zajednice i NVO koje štite prava romske zajednice na osnovu predstavljanja aktivnosti i projekata koje naše udruženje provodi.

3.10. PROJEKAT UKLJUČIVANJA ROMA I ROMKINJA: REGISTRACIJA IMOVINE I PRISTUP MEHANIZMU ZA RJEŠAVANJE ŽALBI

Kao korisnik bespovratne pomoći Svjetske banke naše udruženje je provelo projekt vezan za registraciju imovine i pristup mehanizmu za rješavanju žalbi koji je postigao sljedeće rezultate:

- Izvršena procjena trenutne situacije kada je riječ o registraciji imovine Roma i Romkinja u osam općina sa značajnom romskom populacijom na osnovu provedenog istraživanja na uzorku od 650 Roma i Romkinja.
- Podignut nivo svijesti Roma i Romkinja o prednostima registracije imovine i postojanju mehanizma za rješavanje žalbi.

LEGALIZUJTE I REGISTRUJTE SVOJE NEKRETNINE!

Registracijom ostvarjujete sigurne napredne svoje dečije.
Jedna registracija nekretnica postaje poticaj za registraciju ostalih nekretnina.

Grad Tuzla
ZAVOD ZA KULTURU Tuzla
tel. 033 307 327
www.tuzla.ba

Grad Bjeljina
Trg kralja Petra Karađorđevića 1,76 380
tel. 055 233 100
www.grad-bjeljina.org

Općina Lukavac
Trg Slobode 6a, 7372 Lukavac
tel. 033 364 730
www.opcina-lukavac.ba

Grad Presečina
Karadžićeva 1, 7742 Presečina
tel. 051 453 588
www.grad-preseca.net

Općina Čapljina
Ulica branice, 77242 Čapljina
tel. 033 771 800
www.opcina-capljina.ba

Grad Vlasotince
Vidovdanska 14, 77400 Vlasotince
tel. 033 707 752
www.vlasotinac.gov.ba

Općina Modriča
Vidovdanska 14, 77400 Modriča
tel. 053 415 511
www.modrica.ba

THE WORLD BANK

KAKO LEGALIZOVATI GRAĐEVINU I REGISTROVATI NEKRETNINU

Ovom ictkom vas želimo informisati o značaju i predrustinskoj upredi u postupku registracije imovine i legalizacije građevina.

Kako se imovina registruje?

Imovina se registruje u građanskočimarskim sklopcima/odjeljenjima/odjelicima za katastar i zemljičnočimarske/čimarske Općinske/Osnovne sudove u BiH. U kojima možete svakodnevno dobiti informacije o postupku registracije.

Kako se stiču imovinska prava?

Kupoprodaja/Poklon

Ako ste skopili ugovor o kupoprodaji ili ugovor o poklonu nekretnine kod notarabilježnika, potrebno je da:

- ugovor čujnije u uključenoj poreznoj ispostavi
- avijens ugovor predaje u službu/odjeljenje/odjek za katastar zemljičnočimarskog ureda Općinskog/Cenzovnog suda u vakuem gradu/općini registracije nekretnina.

c) Izdate preporuke za mjere za sve uključene aktere kako bi se romskoj populaciji olakšao proces legalizacije i registracije imovine u skladu sa izvršenom procjenom na osnovu rezultata provedenog istraživanja.

3.11. PSIHO-SOCIJALNA I EKONOMSKA PODRŠKA ROMKINJAMA ZA VRIJEME PANDEMIJE COVID - 19

Realizacijom projekta „Psiho-socijalna i ekonomska podrška Romkinjama za vrijeme pandemije COVID-19“ smo pomogli ženama iz ruralnih područja, a koje spadaju u ranjivu kategoriju (žrtve nasilja, žene koje nisu konkurentne na tržištu rada, neobrazovane žene ,žene sa višečlanom porodicom, žene u stanju socijalne potrebe bez ikakvih primanja, žene Romkinje) ,a koje su pandemiju COVID- 19 dočekale u veoma teškoj finansijskoj situaciji te je ista na njih vidno utjecala ne samo ekonomski nego i psihološki.

Rezultati implementacije ovog projekta su:

a) Od 30 korisnica 70 % se oslobođilo stresa i poboljšalo svoje psihološko stanje kroz razgovor sa stručnom osobom što utjeće na smanjenje nasilja u porodici.





b) 7 žena, djevojaka dobile podsticaj i započele svoje male biznise.



4. OSTALE AKTIVNOSTI



Savjetodavno tijelo mladih UNFPA! – Na pitanje dana odgovara naš medijator: Kako vidim ravnopravnost, te kako mladi mogu doprinjeti boljoj ravnopravnosti u BiH?

DENIS MUJIĆ - Najveću ulogu u rodnoj ravnopravnosti imaju roditelji, a to je da od malih nogu usmjeravaju svoju djecu na obrazovanje o istom. Poslike polaska u školu da kroz niz edukaciju sa stručnim kadrom i vršnjacičkim edukatorima razgovaraju, i jačaju svoje kapacitete. Mladi trebaju biti ujedinjeni i na vrijeme shvatiti da je jedina razlika u rodnoj ravnopravnosti u tome da li je osoba rođena kao muško ili žensko, te da nema muških i ženskih poslova.

#GenderFriday

Indira Bajramović je aktivistkinja, mentorica, ekonomistica i heroina koja je svoj život posvetila poboljšanju položaja Romkinja u BiH. Prva je Romkinja, i za sada jedina, koja je bila predsjedavajuća savjetodavnog tijela Vijeća ministara BiH - Odbor za Rome koji okuplja predstavnike/ce resornih ministarstava oba entiteta i Brčko Distrikta kao i predstavnike/ce romske populacije.

„Mogu reći da sam ponosna na svoj doprinos u promjeni mišljenja i stavova u romskim zajednicama, da sada kada pogledam iza sebe u nazad 10 godina vidim promjene i srećna sam što sam dio tih promjena.“ – Indira Bajramović



Filantropija, koja se očituje kroz davanja u novcu, robi, uslugama, ličnim kapacitetima, znanju, volontiranju ili vremenu predstavlja bitan faktor razvoja svake zajednice. Od velike koristi za sve u BiH je pojednostavljenje procesa davanja za opšte dobro, kao i povećanje samih davanja.


Svoju predanost poboljšanju filantropije u BiH udruženje žena Romkinja Bolja budućnost iz Tuzle je ozvaničila i potpisivanjem Izjave o partnerstvu s Mrežom za izgradnju mira, a povodom dalje saradnje na programu „Pravni okvir za filantropiju“. Partnerstvo podrazumijeva međusobnu saradnju, komunikaciju, podršku, učešće u definiranju zajedničkih zagovaračkih ciljeva, ali i slobodno iznošenje mišljenja i stavova povodom daljih aktivnosti u okviru ovog programa.

"Naše glavno postignuće tokom COVID-19 pandemije bilo je to što smo mogli, uz podršku donatora, preraspodijeliti i osigurati dodatna sredstva za hitne humanitarne potrebe."

Pogledajte interaktivnu mapu aktivistkinja i liderki koje ulažu nevjerojatnu energiju u borbu protiv nasilja nad ženama u sklopu UN Women regionalnog programa "Implementiranje normi, mijenjanje stavova", koji podržava Evropska unija u Bosni i Hercegovini!



<http://unwo.men/jYT350DSPTZ>



Đovaniom Jerkovićem se može ponositi bosansko-hercegovačko društvo, neko ko svojim trudom i znanjem je velika motivacija romskoj i ne romskoj djeci. Đovani Jerković rođen je 2005. godine i do sada je ima 32 profesionalne boksačke borbe, a od toga dvadest i sedam pobjeda. Od 2019. godine postaje i dio reprezentacije Bosne i Hercegovine. Boje naše države je 2021 godine branio u Vrbanju u Srbiji, gdje se održavao Kup nacija u boksu.

Naše udruženje je mladom boksaču pružilo podršku za učešće na Kupu nacija 2021.

U sklopu projekta „Jačanje institucionalne podrške za zaustavljanje rodno zasnovanog nasilja“ finansijski podržanog od strane fondacije Kvinnal till Kvinnal a u implementaciji organizacije „Lara“ iz Bijeljine naše udruženje je 16.05.2021 održalo u Tuzli okrugli stol pod nazivom „Institucionalna zaštita žrtava nasilja u porodici“ Zakonski okvir i rad institucija na sprečavanju i suzbijanju rodno zasnovanog nasilja i nasilja u porodici. Cilj okruglog stola je bio identifikacija potreba za unapređenje krivično pravne zaštite žrtava rodno zasnovanog nasilja kao i predstavljanje primjera dobre prakse u postupanju subjekata zaštite kroz zajedničku diskusiju.





Priznanje "Super žena" od nastanka je imalo samo jednu misiju a to je – zahvaliti se na svemu što žene čine kako bi unaprijedile naše društvo. I 2021 godine dobitnice priznanja birao je medijski žiri. Najuspješnijim Bosankama i Hercegovkama su u Narodnom pozorištu Tuzla dodijeljena priznanja za uspjehe i postignuća u protekle dvije godine. Izbor za Super ženu okupio je sjajne dame sa nevjerojatnim životnim pričama. Jedna od dobitnica priznanja je i direktorica našeg udruženja Indira Bajramović. Priznanje "Super žena" od nastanka je imalo samo jednu misiju, a to je – zahvaliti se na svemu što žene čine kako bi unaprijedile naše društvo.

U Sarajevu je 2021 održan konsultacijski sastanak sa Grupom ekperata za borbu protiv trgovine ljudima (GRETA) koja prati provođenje Konvencije Vijeća Evrope o borbi protiv trgovine ljudima u zemljama koje su ratifikovale ove konvenciju. GRETA trenutno po treći put ocjenjuje provedbu Konvencije o borbi protiv trgovine ljudima od strane Bosne i Hercegovine. Kako bi upotpunila informacije primljene u odgovoru na upitnik i vodila razgovore sa relevantnim stručnjacima i predstavnicima/cama civilnog društva, GRETA je odlučila organizirati posjetu Bosni i Hercegovini od 6. do 10. septembra 2021. GRETU predstavljaju gđa. Julia Planitzer, druga potpredsjednica GRETA-e, i g-din Sergey Ghazinyan, član GRETA-e. Glavni fokus trećeg kruga evaluacije je pristup pravdi i efikasni pravni lijekovi za žrtve trgovine ljudima. S obzirom na važnu ulogu našeg udruženja na polju borbe protiv trgovine ljudima u Bosni i Hercegovini, delegacija GRETA-e se sastala i sa direktoricom našeg udruženja Indira Bajramović.



Udruženje žena Romkinja "Bolja budućnost" grada Tuzla na Evropski dan borbe protiv trgovine ljudima (18. Oktobar) je održalo u Tuzli okrugli stol pod nazivom "Trgovina ljudima se dešava oko nas". Učešće na okruglom stolu su uzeli predstavnici/e relevantnih vladinih institucija, osnovnih i srednjih škola te organizacija civilnog društva. Trgovina ljudima se dešava svakodnevno oko nas i predstavlja ozbiljan problem u Bosni i Hercegovini, te je saradnja između vladinog i nevladinog sektora i njihovo zajedničko djelovanje od izuzetne važnosti za efikasan odgovor na ovaj problem. Umrežavanjem relevantnih aktera na polju borbe protiv svih oblika trgovine ljudima je potrebna te da ista bude kontinuirana, jedan je od zaključaka ovog okruglog stola.

25. Oktobra 2021 u Sarajevu prisustvovali smo sastanku sa delegacijom Vlade Slovačke Republike koju je predvodila opunomoćenica Vlade Slovačke Republike za romske zajednice , gđa. Andrea Bučkova. Osim gdje Bučkova i članova njene delegacije sastanku je prisustvovao i ambasador Slovačke u BiH, g. Martin Kačo, kao i zamjenik ambasadora , g. Patrik Turošik. Na sastanku Direktorica našeg udruženja je predstavila rad i aktivnosti koje provodimo te sa članovima/cama delegacije razmjenila iskustva kada je u pitanju položaj Roma/Romkinja u BiH i u Slovačkoj.



Na Međunarodni dan ljudskih prava (10.12.) direktorici našeg udruženja uručena je Mirovna nagrada "Goran Bubalo" koju dodjeljuje Mreža za izgradnju mira. Mreža za izgradnju mira prepoznaće izuzetne napore pojedinaca/ki i obrazovnih institucija koji/e teže obnovi mira, očuvanju i promociji pravde i ljudskih prava u Bosni i Hercegovini. Prilikom odabira dobitnika/ ca Mirovne nagrade uzimaju se u obzir postignuća nominiranih u godini prije primanja nagrade, kao i njihov stalni doprinos unaprijeđenju ljudskih prava, očuvanju i izgradnje mira u BiH.

U susret novogodišnjim praznicima 29.12.2021 u prostoru Narodnog pozorišta u Tuzli organizovali smo podjelu novogodišnjih paketića za naše najmlađe korisnike/ce. Uz velikodušnu podršku "Sela mira" Turija i građana/ki Tuzle putem našeg dragog sugrađanina kojeg svi dobro znamo pod imenom Valter Tuzlanski ove godine smo prigodnim novogodišnjim paketićima obradovali oko 150 romskih mališana.

Nema boljeg poklona ni načina da završimo 2021 godinu nego uz osmjeh, pjesmu i radost djece.



5. 20 GODINA RADA I POSTOJANJA UDRUŽENJA ŽENA ROMKINJA „BOLJA BUDUĆNOST“ GRADA TUZLA

8. februara 2021. godine naše udruženje je obilježilo je 20 godina rada i postojanja. Tim povodom uz prisustvo brojnih zvanica iz NVO sektora, institucija, međunarodnih organizacija, ali i korisnica obilježili smo svoj jubilej. Prvenstveno smo podrška ljudima u romskim zajednicama ali i ostalim grupacijama koje su u stanju socijalne potrebe. Realizovali smo više od 350 različitih projekata u kojima je učestvovalo oko 75 hiljada direktnih i indirektnih korisnika/ca. Posvećenost, istrajnost i upornost je ono što nas vodi. Rad uposlenika/ca udruženja višestruko je nagrađivan što nam predstavlja vjetar u leđa za realizaciju budućih aktivnosti.



6. MEDIJSKA VIDLJIVOST

U 2021 godini realizovana su medijska gostovanja o određenim temama i aktivnostima te informacije o medijskoj vidljivosti donosimo u nastavku ovog izvještaja.


Tokom 2021 godine mediji su 67 puta izvještavali o našem radu. Ukupno je bilo:

- 36 TV priloga
- 25 tekstova na web portalima
- 4 radio izjave
- 2 teksta u štampanim medijima



2021

Godišnji izvještaj o radu udruženja žena Romkinja „Bolja budućnost“ grada Tuzla



(Video) UŽR Bolja budućnost: Organizovan još jedan sastanak sa predstavnicima lokalnih medija

Autor: Dafinka Popović | 11.08.2021., 17:53 | 321 Pregleda

Sviđa mi se 35 | Podjeli | Tweet

Udruženje žena Romkinja Bolja budućnost Tuzla je u sklopu projekta „Poboljšanje saradnje i razmjena informacija sa lokalnim medijima u gradu Tuzla“ upriličilo još jedan informativni sastanak sa medijima na kojem je bilo riječi o načinima izvještavanja o romskoj populaciji. Iz udruženja su podsetili na dobru saradnju sa medijima, ali i česte greške kojima se diskriminira i vrijeda romska populacija

2021

Godišnji izvještaj o radu Udruženja žena Romkinja „Bolja budućnost“ grada Tuzla